

Қазақстан Республикасы Денсаулық сақтау министрлігінің Мемлекеттік санитарлық-эпидемиологиялық қадағалау комитеті (2002-) ҚР Президентінің 2001 ж. 17 қазандағы Жарлығына сәйкес комитет ҚР Үкіметінің 2001 ж. 16 қарашадағы қаулысымен 2002 ж. 1 қаңтарда құрылды.

ҚР Үкіметінің 2002 ж. 10 қаңтардағы қаулысымен комитет туралы ереже бекітілді. Мемлекеттік мекемелері оларды көліктегі санитарлық-эпидемиологиялық қадағалаудың аумақтық органдары- мемлекеттік мекемелері мен көліктегі санитарлық-эпидемиологиялық сараптауды жүзеге асыратын орталықтар-мемлекеттік мекемелерге бөлу жолымен қайта ұйымдастырылды.

- Ережеге сәйкес комитет ҚР Денсаулық сақтау министрлігінің құзіреті шегінде бақылау-қадағалау функцияларын, сондай-ақ халықтың санитарлық-эпидемиологиялық әл-ауқатын қамтамасыз ету саласында салааралық үйлестіруді жүзеге асырған ҚР [[Денсаулық сақтау]] министрлігінің ведомствосы болып табылды. Комитеттің көліктегі санитарлық-эпидемиологиялық қадағалау аумақтық органдары: көліктегі санитарлық-эпидемиологиялық қадағалау орталық басқармасы; аймақтық темір жол көлігіндегі санитарлық-эпидемиологиялық қадағалау басқармалары; әуе көлігіндегі санитарлық-эпидемиологиялық қадағалау басқармалары; бөлімшелік темір жол көлігіндегі санитарлық-эпидемиологиялық қадағалау басқармалары болды.

Комитеттің бұрынғы негізгі міндеттері

- Халықтың санитарлық-эпидемиологиялық әл-ауқатын қамтамасыз ету саласында бірыңғай мемлекеттік саясатты жүргізу; санитарлық-эпидемиологиялық жағдайды зерделеу, халықты санитарлық-эпидемиологиялық қамтамасыз ету жөніндегі іс-шараларды ұйымдастыру және олардың орындалуын бақылау. ҚР Үкіметінің 2002 ж. 9 желтоқсандағы қаулысымен [4] комитеттің әуе көлігіндегі санитарлық-эпидемиологиялық қадағалау басқармасы оны комитеттің Солтүстік-Батыс және Оңтүстік-Шығыс аймақтық әуе көлігіндегі санитарлық-эпидемиологиялық қадағалау басқармаларына бөлу жолымен қайта ұйымдастырылды. Комитеттің көліктегі санитарлық-эпидемиологиялық сараптама орталық басқармасы оны Солтүстік-Батыс және Оңтүстік-Шығыс аймақтық әуе көлігіндегі санитарлық-эпидемиологиялық сараптама басқармаларына бөлу жолымен қайта ұйымдастырылды.

Комитеттің негізгі міндеттері

- Халықтың санитарлық-эпидемиологиялық салауаттылығын қамтамасыз ету саласындағы мемлекеттік саясатты іске асыру, санитарлық-эпидемиологиялық жағдайдың мониторингін жүргізу, бақылау мен қадағалауды жүзеге асыру, сондай-ақ халықты санитарлық-эпидемиологиялық қамтамасыз ету жөніндегі іс-шараларды ұйымдастыру болып табылады. Комитеттің көліктегі аумақтық бөлімшелері бар: көліктегі санитарлық-эпидемиологиялық қадағалау орталық басқармасы; аймақтық темір жол және әуе көлігіндегі санитарлық-эпидемиологиялық қадағалау басқармалары; бөлімшелік темір жол көлігіндегі санитарлық-эпидемиологиялық қадағалау басқармалары. Комитеттің құрылымы: басшылық; эпидемиологиялық бақылау басқармасы; эпидемиологиялық бақылау бөлімі; карантиндік және зооноздық жұқпалы аурулар бөлімі; санитарлық-гигиеналық бақылау және санитарлық-эпидемиологиялық нормалау басқармасы; санитарлық-гигиеналық бақылау бөлімі; санитарлық-эпидемиологиялық қадағалау басқармасы

- ҚАЗАҚСТАН РЕСПУБЛИКАСЫНЫҢ ЗАҢЫ

Халықтың санитарлық-эпидемиологиялық салауаттылығы туралы

- Осы Заң Қазақстан Республикасы халқының санитарлық-эпидемиологиялық
- салауаттылығын қамтамасыз етудің құқықтық, экономикалық және әлеуметтік
- жағдайын айқындайды.

- **1-бап. Осы Заңда пайдаланылатын негізгі ұғымдар:**
- Осы Заңда мынадай негізгі ұғымдар пайдаланылады:
 - 1) санитарлық-эпидемиологиялық тексеру актісі - объектіні халықтың санитарлық-эпидемиологиялық салауаттылығын қамтамасыз ету саласындағы заңнама талаптарына сәйкестігін тексеру нәтижелерінің бекітілген нысанындағы құжат;
 - 2) халықтың санитарлық-эпидемиологиялық салауаттылығын қамтамасыз ету саласындағы уәкілетті орган - Қазақстан Республикасының заңнамасына сәйкес қадағалау және халықтың санитарлық-эпидемиологиялық салауаттылығын қамтамасыз ету саласындағы өзге де функцияларды жүзеге асыратын мемлекеттік орган;
 - 3) азық-түлік шикізаты - тамақ өнімдерін дайындау үшін өсімдіктен, жануардан алынатын, микробиологиялық, минералды және жасанды түрдегі шикізат және пайдаланылатын су;
 - 4) халықтың декреттелген тобы - қызмет көрсету саласында жұмыс істейтін, басқа адамдарды жұқпалы және паразиттік аурулармен жұқтыру үшін мейлінше қауіп төндіретін адамдар;
 - 5) адамның тіршілік етуіне қолайлы жағдайлар - тіршілік ету ортасының, оның факторларының адамға зиянды ықпалы жоқ кездегі жағдайы;
 - 6) зиянды өндірістік фактор - оның ықпалы белгілі жағдайда жұмыс істеушінің кәсіби, уақытша немесе тұрақты еңбекке қабілеттілігінің төмендеуін тудыруы, соматикалық және жұқпалы аурулардың жиілігін арттыруы, денсаулығының бұзылуына әкелуі мүмкін орта мен еңбек процесінің факторы;

12-бап. Санитарлық-эпидемиологиялық қадағалауды жүзеге асыратын лауазымды тұлғалар

- 1. Осы Заңға сәйкес мемлекеттік санитарлық-эпидемиологиялық қадағалауды жүзеге асыратын Қазақстан Республикасының санитарлық-эпидемиологиялық қызметінің лауазымды тұлғалары:
 - 1) халықтың санитарлық-эпидемиологиялық салауаттылығын қамтамасыз ету саласындағы уәкілетті орган басшысы - Қазақстан Республикасының Бас мемлекеттік санитарлық дәрігері;
 - 2) халықтың санитарлық-эпидемиологиялық салауаттылығын қамтамасыз ету саласындағы уәкілетті орган басшысының орынбасары - Қазақстан Республикасының Бас мемлекеттік санитарлық дәрігерінің орынбасары;
 - 3) жергілікті бюджеттен қаржыландырылатын, халықтың санитарлық-эпидемиологиялық салауаттылығын қамтамасыз ету саласындағы қызметті жүзеге асыратын атқарушы органдардың басшылары мен олардың орынбасарлары - аумақтың Бас мемлекеттік санитарлық дәрігерлері мен олардың орынбасарлары;
 - 4) көліктегі санитарлық-эпидемиологиялық қадағалауды жүзеге асыратын органдардың басшылары мен олардың орынбасарлары - көліктегі Бас мемлекеттік санитарлық дәрігерлері мен олардың орынбасарлары;
 - 5) халықтың санитарлық-эпидемиологиялық салауаттылығын қамтамасыз ету саласындағы қызметті жүзеге асыратын орталық атқарушы органдар құратын санитарлық-эпидемиологиялық қызмет органдарының басшылары - Бас санитарлық дәрігерлер;